

FRAMKVÆMDARÁKVÖRÐUN FRAMKVÆMDASTJÓRNARINNAR

2014/EES/54/84

frá 14. júní 2013

um umbreytingarráðstafanir vegna tiltekinna afurða úr dýraríkinu sem falla undir reglugerð Evrópuþingsins og ráðsins (EB) nr. 853/2004 og eru fluttar inn til Króatíu frá þriðju löndum fyrir 1. júlí 2013

(tilkynnt með númeri C(2013) 3475)

(2013/291/ESB) (*)

FRAMKVÆMDASTJÓRN EVRÓPUSAMBANDSINS
HEFUR,

með hliðsjón af aðildarsáttmála Króatíu, einkum 4. mgr. 3. gr.,

með hliðsjón af lögum um aðild Króatíu, einkum 42. gr.,

og að teknu tilliti til eftirfarandi:

- 1) Fyrirhugað er að Króatía gerist aðili að Sambandinu 1. júlí 2013. Afurðir úr dýraríkinu munu falla undir kröfurnar í reglugerð Evrópuþingsins og ráðsins (EB) nr. 853/2004 frá 29. apríl 2004 um sérstakar reglur um hollustuhætti sem varða matvæli úr dýraríkinu ⁽¹⁾. Tilteknar afurðir úr dýraríkinu, sem voru fluttar inn til Króatíu fyrir þann dag, uppfylla þó ekki viðkomandi reglur í þeirri reglugerð.
- 2) Sumar þessara afurða hafa verið afgreiddar í frjálst flæði í Króatíu en aðrar hafa enn ekki verið settar í tollferlið og eru ennþá undir tollefirtiliti.
- 3) Til að auðvelda breytinguna frá núverandi fyrirkomulagi í Króatíu yfir í það fyrirkomulag sem er afleiðing af beitingu löggjafar Sambandsins er rétt að mæla fyrir um umbreytingarráðstafanir sem varða setningu þessa afurða á markað.
- 4) Setja ætti þessar afurðir eingöngu á innanlandsmarkað í Króatíu við viðeigandi skilyrði. Með tilliti til þess að núverandi rekjanleikakerfi er ekki fullnægjandi ættu þessar afurðir, sem uppfylla ekki kröfur, m.a. ekki að vera unnar í starfsstöðvum sem hafa leyfi til að senda afurðir sínar til annarra aðildarríkja.
- 5) Afurðir, sem eru ekki í samræmi við reglugerð (EB) nr. 853/2004, ætti ekki að flytja inn til annarra aðildarríkja. Í því skyni að tryggja að ekki séu stunduð viðskipti með viðkomandi afurðir innan Sambandsins ættu aðildarríkin að annast viðeigandi eftirlit í samræmi við tilskipun ráðsins 89/662/EEB frá 11. desember 1989 um dýraheilbrigðiseftirlit í viðskiptum innan Bandalagsins til að stuðla að því að hinum innri markaði verði komið á ⁽²⁾.
- 6) Útflutningur slíkra afurða til þriðju landa ætti að vera í samræmi við viðeigandi tilhögun og fara fram í samræmi við reglugerð Evrópuþingsins og ráðsins (EB)

(*) Þessi EB-gerð birtist í Stj. 164, 18.6.2013, bls. 25. Hennar var getið í ákvörðun sameiginlegu EES-nefndarinnar nr. 159/2014 frá 9. júlí 2014 um ýmsum viðaukum og bókunum við EES-samninginn, bíður birtingar.

⁽¹⁾ Stj. 139, 30.4.2004, bls. 55.

⁽²⁾ Stj. 395, 30.12.1989, bls. 13.

nr. 178/2002 frá 28. janúar 2002 um almennar meginreglur og kröfur samkvæmt lögum um matvæli, um stofnun Matvælaöryggisstofnunar Evrópu og um málsmeðferð vegna öryggis matvæla ⁽³⁾.

- 7) Eftir eitt ár frá gildistökudegi aðildar ætti að farga þeim afurðum sem hafa ekki enn verið afgreiddar í frjálst flæði og settar á markað í Króatíu eða fluttar út og eru enn í geymslu undir tollefirtiliti.
- 8) Ráðstafanirnar, sem kveðið er á um í þessari ákvörðun, eru í samræmi við álit fastanefndarinnar um matvælaferlið og heilbrigði dýra.

SAMBYKKT ÁKVÖRÐUN ÞESSA:

1. gr.

Gildissvið

Ákvörðun þessi gildir um afurðir úr dýraríkinu sem uppfylla eftirfarandi skilyrði:

- a) þær falla undir gildissvið reglugerðar (EB) nr. 853/2004,
- b) þær uppfylla ekki kröfurnar í reglugerð (EB) nr. 853/2004,
- c) þær voru fluttar inn til Króatíu frá þriðju löndum fyrir 1. júlí 2013.

2. gr.

Afurðir úr dýraríkinu sem voru afgreiddar í frjálst flæði í Króatíu fyrir 1. júlí 2013

Halda má áfram að setja afurðir, sem um getur í 1. gr. og hafa verið afgreiddar í frjálst flæði í Króatíu fyrir 1. júlí 2013, á markað á yfirráðasvæði Króatíu í eitt ár frá þeim degi, að því tilskildu að þær uppfylli eftirfarandi kröfur:

- a) þær má ekki vinna í starfsstöðvum sem hafa leyfi til að senda afurðir sínar til annarra aðildarríkja,
- b) þær verða að bera landsmerki, sem kveðið er á um í landsreglum Króatíu, sem eru í gildi þann dag sem þær eru afgreiddar í frjálst flæði, og sem er frábrugðið heilbrigðismerkinu sem um getur í III. kafla I. þáttar I. viðauka við

⁽³⁾ Stj. 31, 1.2.2002, bls. 1.

reglugerð Evrópuþingsins og ráðsins (EB) nr. 854/2004 ⁽⁴⁾ eða auðkennismerkinu sem um getur í I. þætti II. viðauka við reglugerð (EB) nr. 853/2004.

3. gr.

Afurðir úr dýraríkinu sem eru fluttar inn til Króatíu en ekki afgreiddar í frjálst flæði fyrir 1. júlí 2013

Heimilt er að afgreiða afurðir, sem um getur í 1. gr. og voru fluttar inn til Króatíu fyrir 1. júlí 2013 en voru ekki afgreiddar í frjálst flæði fyrir þann dag, í frjálst flæði í Króatíu og er einungis heimilt að setja þær á markað á yfirráðasvæði Króatíu til 30. júní 2014, að því tilskildu að þær uppfylli kröfurnar sem mælt er fyrir um í 2. gr.

4. gr.

Bann við sendingu afurða úr dýraríkinu frá Króatíu til annarra aðildarríkja

1. Afurðir, sem um getur í 1. gr., skulu ekki sendar frá Króatíu til annarra aðildarríkja.
2. Í samræmi við tilskipun ráðsins 89/662/EBE, einkum 3. gr., skulu aðildarríkin sjá til þess að viðskipti með afurðir, sem um getur í 1. gr., eigi sér ekki stað milli aðildarríkja.

5. gr.

Útflutningur til þriðju landa

Halda má áfram að flytja út afurðir, sem um getur í 1. gr., á umbreytingartímabili sem varir til 1. júlí 2014, frá Króatíu til þriðju landa, að því tilskildu að eftirfarandi skilyrði séu uppfyllt:

- a) útflutningur skal fara fram í samræmi við 12. gr. reglugerðar (EB) nr. 178/2002,

- b) hver sending skal flutt beint frá yfirráðasvæði Króatíu undir eftirliti lögbærs yfirvalds án þess að fara um yfirráðasvæði annarra aðildarríkja,
- c) hver sending skal flutt með flutningatæki sem lögbært yfirvald innsiglar og innsiglin skulu skoðuð á brottfararstað í Króatíu.

6. gr.

Förgun sendinga undir toleftirliti 1. júlí 2014

Farga skal afurðasendingum, sem um getur í 1. gr. og eru enn undir toleftirliti 1. júlí 2014, undir eftirliti lögbærs yfirvalds.

Allur kostnaður við förgun þessara sendinga fellur á eiganda sendingarinnar.

7. gr.

Beiting

Ákvörðun þessi gildir með fyrirvara um gildistöku laga um aðild Króatíu frá og með þeim degi sem þau öðlast gildi.

8. gr.

Viðtakendur

Ákvörðun þessari er beint til aðildarríkjanna.

Gjört í Brussel 14. júní 2013.

Fyrir hönd framkvæmdastjórnarinnar,

Tonio BORG

framkvæmdastjóri.

⁽⁴⁾ Stjtið. ESB L 139, 30.4.2004, bls. 206.